

27-11-2019

Sarajevo,

Broj:

02-03-60446

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br. 03-06-60440 od 26.11.2019.godine, Generalna direktorica donosi:

ODLUKU

o izboru najpovoljnijeg ponuđača
za nabavku računara za potrebe više OJ KCUS-a

I

Prihvata se prijedlog Komisije za javnu nabavku, Izvještaj br. 03-06-60440 od 26.11.2019.godine, za nabavku računara za potrebe više OJ KCUS-a, nakon provedenog otvorenog postupka javne nabavke i ugovor dodjeljuje najpovoljnijem ponuđaču:

REBUS d.o.o. Sarajevo

Računari za potrebe više OJ KCUS-a

- Cijena: 119.118,00 KM + PDV 20.250,06 KM = 139.368,00 KM sa PDV-om
- Plaćanje u roku 60 dana od dana ispostavljanja fakture.
- Rok isporuke: 40 dana od dana potpisivanja ugovora i prijema narudžbenice.

II

Izabrani ponuđač dužan je u roku od 5 (pet) dana od dana prijema ove Odluke, dostaviti original ili ovjerene kopije dokaza tražene tačkom 4.1 Tenderske dokumentacije, u skladu sa dostavljenom Izjavom ponuđača, ne stariji od 3 mjeseca računajući od momenta predaje ponude, ukoliko isto nisu dostavili uz ponudu.

III

Ova Odluka stupa na snagu danom donošenja i objavit će se na web stranici KCUS-a putem web stranice Kantona Sarajevo istovremeno sa dostavljanjem ponuđačima učesnicima postupka javne nabavke.

OBRAZLOŽENJE

Na osnovu Odluke br. 02-03-50359 od 04.10.2019 pokrenut je otvoreni postupka u svrhu javne nabavke računara za potrebe više OJ KCUS-a sa procijenjenom vrijednosti nabavke u iznosu 120.000,00 KM bez PDV-a. Predmetna nabavka je planirana Planom JN za 2019. godine pod klasifikacijom robe, redni broj 42. (Odluka o usvajanju Plana javnih nabavki Kliničkog centra Univerziteta u Sarajevu za 2019 godinu, broj: 360/19 protokol br. 02-01-18632/19).

Klinički centar Univerziteta u Sarajevu je dana 09.10.2019. godine na portalu e-nabavke, objavio Obavještenje o nabavci broj: 893-1-1-634-3-385/19 zajedno sa tenderskom dokumentacijom i 01.11.2019 godine ispravku obavještenja. Sa portala e-Nabavke tendersku dokumentaciju je preuzelo 30 (trideset) potencijalnih ponuđača, a do krajnjeg roka određenog za prijem ponuda 10,30 sati 11.11.2019 godine, dostavljene su 3 (tri) ponude ponuđača: KODEKS d.o.o. Sarajevo sa ukupnom cijenom ponude 119.816,00 KM bez PDV-a, EMADO d.o.o. Sarajevo sa ukupnom cijenom ponude 118.756,00 KM bez PDV-a, REBUS d.o.o. Sarajevo sa ukupnom cijenom ponude 119.935,30 KM bez PDV-a

Komisija za predmetnu javnu nabavku imenovana Odlukom broj: 02-03-55204 od 30.10.2019.godine je izvršila uvid i provjeru svakog dostavljenog dokumenta i ustanovila da ponuda ponuđača: EMADO d.o.o. Sarajevo ne sadrži sve tražene elemente ponude i ne ispunjavaju formalno pravne, suštinske i tehničke zahtjeve postavljene tenderskom dokumentacijom iz sljedećih razloga:

1. U dijelu „Aneks 3“ u tabeli, tačnije u koloni 4. traži se potvrđivanje tehničkih karakteristika sa DA ili NE, ponuđač nije navodio da li ponuđena oprema zadovoljava ili ne tražene tehničke zahtjeve.
2. Tehničkom specifikacijom u Aneksu 3. tačka 1. (Računar TIP 1) traženo je „1 x serijski, 1 RJ- 45, 1x VGA, 2x DP, 3.5mm priključak za slušalice i mikrofoni, 2x PS/2; svi portovi trebaju biti integrisani direktno na kućištu računara“. Iz kataloške dokumentacije koju je ponuđač dostavio Komisija je konstatovala da: je serijski port opcija; VGA port opcija; da računar može opcionalno imati jedan PS/2, a tenderskom specifikacijom su tražena dva, a u koloni u kojoj je trebalo potvrditi tražene zahtjeve, ništa nije upisano. Također u dijelu specifikacije

Fedak

koji se odnosi na sigurnost i koji glasi: „Sigurnost i MT Utor za Kensington sigurnosni kabel, priprema za mehanički lokot; Nadzor pristupa/boot-a izmjenjivim medijima (CD, FDD access/boot control); Individualna kontrola svih USB porta preko BIOS-a; Elektronski prekidač za signaliziranje otvaranja kućišta i zapis toga u BIOS; detekcija neovlaštenog otvaranja i automatskog zatvaranja kućišta iznutra. Mogućnost zabrane zapisivanja podataka na medije preko usb porta – »Smart USB Disable«;“ Komisija u dostavljenoj kataloškoj dokumentaciji nije mogla pronaći potvrdu o zadovoljenju ovih zahtijeva niti je dobavljač to potvrdio u za to predviđenoj koloni.

3. Tehničkom specifikacijom tačka 2. (Računar TIP 2) je traženo: „1 x serijski, 1 RJ- 45, 1x VGA, 2x DP, 3.5mm priključak za slušalice i mikrofona, 2x PS/2; svi portovi trebaju biti integrisani direktno na kućištu računara“. Iz kataloške dokumentacije koju je ponuđač dostavio Komisija je konstatovala da je serijski port opcija, a u koloni u kojoj jse trebalo potvrditi tražene zahtjeve, nije ništa upisano. Isto vrijedi za VGA port koji samo opcijski može biti isporučen, bez jasne potvrde dobavljača. Iz predočene kataloške dokumentacije je konstatovano da računar može opciono imati jedan PS/2, ponovo bez potvrde dobavljača o zadovoljenju zahtijeva, a tenderskom specifikacijom su tražena dva.

4. Također u dijelu specifikacije koji se odnosi na sigurnost i glasi: „Sigurnost i MT Utor za Kensington sigurnosni kabel, priprema za mehanički lokot; Nadzor pristupa/boot-a izmjenjivim medijima (CD, FDD access/boot control); Individualna kontrola svih USB porta preko BIOS-a; Elektronski prekidač za signaliziranje otvaranja kućišta i zapis toga u BIOS; detekcija neovlaštenog otvaranja i automatskog zatvaranja kućišta iznutra. Mogućnost zabrane zapisivanja podataka na medije preko usb porta – »Smart USB Disable«;“ iz u dostavljenoj kataloškoj dokumentaciji Komisija nije mogla pronaći ove zahtjeve niti je dobavljač to potvrdio u za to predviđenoj koloni.

U skladu sa prethodno navedenim, te zahtjevima postavljenim tenderskom dokumentacijom, ponuda ponuđača EMADO d.o.o je neprihvatljiva i ne može biti predmet vrednovanja ni učestvovati u daljem toku natjecanja.

Ponude ponuđača KODEKS d.o.o. Sarajevo i REBUS d.o.o. Sarajevo ispunjavaju sve zahtjeve postavljene tenderskom dokumentacijom i za 21.11.2019 godine zakazana je e-aukcija koja je uspješno okončana. Prema Izvještaju o toku i završetku e-aukcije koji čini sastavni dio Izvještaja, najpovoljnija je ponuda ponuđača REBUS d.o.o. Sarajevo koja ima ukupnu vrijednost u iznosu od 119.118,00 KM bez PDV-a.

Komisija je Izvještajem br. 03-06-60440 od 26.11.2019.godine dala prijedlog , da se donese odluka o izboru najpovoljnijeg ponuđača i ugovor dodjeli ponuđaču REBUS d.o.o.

Prijedlog Komisije je prihvaćen i donosi se odluka kao u dispozitivu.



GENERALNA DIREKTORICA
Prof.dr. Selija Izrbegović

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđačima;
- Tehnički sektor
- a/a KCUS

Handwritten signature or initials in blue ink.